

[Augsburg], 21. Dezember 1579

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 12.

S. Rescribo tardius, Clariss[ime] D[omine] Doctor, sed per ocium, δταν ούδεν κατεπείγει. ὁ α'
καὶ β' τῆς πατρικῆς ἴλιάδος mihi pergratum munus sunt. Reliquas etiam eius commentationes
eruditiss[imas] edi opto. τὴν βιογραφίαν eiurat Crato, nescio cuius iurisiurandi religione.
Bersmannus nondum mihi respondit. Esromus, uti spero, debitum praestabit officium. Quo
cessante, ἀνὰ σοὶ τάδε πάντα λέπαργε: ut est apud Suidam: in quo ego dies noctesque laboro.
300 mihi folia intra 2. menses relegenda restant, totidemque Latina. Vnde intelligis, quam
abundem ocio. Paternas annotationes si tam breui excibere non poteris: parum refert. Eas
enim non inserendas textui, quem vocant, (Nec enim propter multitudinem id commodè fieri
poterit) sed ad finem operis referendas censeo. Idem et in Latino facere decreui. Malim tamen
maturè chartas aliquot τῆς σῆς ἀπογραφῆς mihi mitti. Quòd excusatam habes τὴν ἀδυναμίαν
καὶ ἀσχολίαν μου, tuae humanitati et aequissimo iudicio, etiam hoc nomine debeo: ac vestra
interesse, ut ipsi ad Episcopium scribatis, existimo. Ego enim eo in libro laboro, cuius nullum
folium me visurum existimo: tantum abest, ut vestram operam compensaturum, mittendis
exemplis, sperem. Vale. et communibus amicis, in primis D. fratri tuo, et D. Iulio, meo
nomine P. S. Die S. Thomae 1579.

Hiero[nymus] Wolfius
Tuus.